

K29
15
:300

中國方志叢書·華北地方·第三〇〇號

據

清·譚 瑀 纂
清·道光二十七年刊本

影印

陝西 省

吳堡縣志

(全)

成文出版社有限公司印行

中華民國五十九年 月臺一版

吳堡縣志

全一冊

發行人：**黃成助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號
電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

吳堡縣志序

昔趙簡子使尹鐸為晉陽而誨之曰
保障哉楚知先王建邦置邑道在設
險固非欲以地大物博徒誇雄富已
也吳堡之為地當割據之際先立堡
繼立寨後升為縣首建於北漢而宋

開寶得之再陷於西夏而宋元豐復
之居秦晉之間帶河山之固其隸葭
州也則為陝之重鎮其歸汾晉也人
為晉之巖城是以宋元祐二年以米
脂葭蘆給賜夏人獨吳堡斬而不予
仍盡定界址開立壕堠豈不以其據

形勝扼要害哉顧或以介在邊陲小
之夫莒城已惡猶書盟會之文自檣
無譏亦入輜軒之採

國家設官分職因地制宜守茲土者又
安得以叢爾彈丸不思興其廢墜耶
譚石甫大尹下車之初周視川麓修

其政令公務之暇搜羅掌故求落志
遺稿重加釐定肌佚者補之附會者
刪之得新志四卷郵書示余且屬為
序緣起余讀史未諸昧於三長之義
況隨身琴鶴插架空虛於考證何能
為役第志乘之書所以收前代之遺

聞為後來之矜式關係地方殊非殘
鮮亟宜表章市告同事吾又知石甫
大尹既養而教將出其著述緒餘啓
迪髦士行見文風丕變必有掇巍科
登計偕作賓

王家潤色

鴻業使後之繼志者按籍書之則斯志之作尤大輅之樞輪矣夫是為序

道光二十七年夏四月延榆綏兵備

道萬保撰

吳堡縣志序

吳邑于戰國爲上郡地唐末西夏
據之名吳堡至元元貞元丰
安明洪武十年併歸綏德州十四
丰須屬延安

國朝雍正十三年改隸綏德州地雖

編小風俗敦龐然邑自唐宋已來
建置沿革代有變更以故山川輿
地人才藝文諸例前志有創纂而
未詳悉者有增脩而未付梓者有
刪訂而未定彙者夫湮代遠簡斷
篇殘文獻無徵何可勝嘆譚君石

甫蒞任此邑檢閱舊案慨然已纂脩自任於是條分縷析殫見洽聞典故去之陳編採訪叅之新論剖疑晷輿閭數月而書成迺繕全帙請序於余已弁其首余讀其志既詳且信自天時人事暨地宜物產

靡不燦然可觀後之官是邑者閱
是書因地利宜已養以教克臻

聖世久道化成之休豈不盛歟是爲序
道光二十七年丁未仲夏之月

知綏德州事兼襲雲騎尉江士松序並書



序

吳堡古茗脤地春秋爲晉後屬魏併於秦宋元
豐間吳保之名始見於總鑑至元始改砦爲縣
元明以往志乘闕如

國初縣尹紀克明創有志稿嗣是邑紳薛蘊之
賈琦李掄元先後補纂均未鐫板自時厥後心
令之沿革損益人物之興衰遞嬗湮沒無傳者

多矣失今不纂咎將誰歸攷之周禮小史掌邦
國志外史掌郡外志去也者傳古信今所以鏡
得失示勸懲使人有所觀感也余乙巳除官是
是而易寒暑稍喜民信相安暇輒取舊志稿
重加編輯惟時司鐸馬驥衡邑紳辛永雲王臨
莊暨採訪校錄諸生咸分力宣勞書成付梓亦
將以鏡得失示勸懲冀與邑人士相勸且行自

勗云爾夫人無賢愚莫不勸於為善而思懲其
不善覽斯志者於輿地建置部見今昔之廢興
於人才藝文部見運會之隆替若者為忠為孝
為賢為良或思所以取法之某也好某也邪則
反觀內省而懲創之官師如是邑人士如是是
志未必無小補也間嘗就吳邑而綜論之當晉
秦之衝要列邊徼之瘠區也雖境埆莽蔓延

山雖噴坑潢汙斷續其賦役必惟正之外無生
馬糗糧之什億其村落星羅茶布一二市集則
官為董治無外匪游民之滋擾其必一切大差
襍皆官為捐辦無卑局里胥之科派至人之
文秀者負耒耨經著為文章類皆簡古拙直其
靡曼浮夸之習其椎魯者服田力穡終歲所入
亦足贍其室家其俗皆土著無五方雜處之後

以相與煽惑而作吳人之生子斯長于致聚
國族于斯者其苦樂視他郡邑相去爲何如其
宜借鏡焉志以互相勸懲者又何如也是志之
成參酌乎舊筆者事考證乎郡志鄰志者事採
訪乎故老之傳聞者亦事山中僻陋戶鮮花書
文獻缺徵挂漏難免惟是遺者補之疑者闕之
繁者芟之舛錯者釐正之公是公非不敢恃夫